

Club de Llectura



¿QUÉ YE'L CLUB DE LLECTURA N'ASTURIANU Y GALLEGO-ASTURIANU?

Ye una rede de llectores que van compartir la so esperiencia llectora n'asturianu y gallego-asturianu. La Dirección Xeneral de Planificación Llingüística y Normalización pon en marcha esti club pa ufiertar a tolos centros educativos d'Asturies que tengan alumnáu matriculao en Llingua Asturiana y Lliteratura o Gallego-Asturianu una retafila de títulos de toa mena dirixíos a públicu variáu. Al traviés del empréstanu de llibros, el profesoráu va escoyer los títulos que más-y presten pa trabayar col so alumnáu y poder desenvolver xeres y actividades sobre caún de los títulos.

¿A QUIÉN VA DIRIXÍU?

A tol profesoráu de centros educativos d'Asturies que tengan alumnáu matriculao en Llingua Asturiana y Lliteratura o Gallego-Asturianu nes etapes de Primaria, Secundaria o Bachilleratu.

¿QUÉ TÍTULOS VAN UFIERTASE?

Títulos qu'abarquen llectures de toa mena. Va ser el profesoráu quien va escoyer pa qué etapa dirixir caún de los títulos. Los llibros tán ordenaos alfabéticamente, pero nun tán estremaos por edaes. L'adaptación de les llectures a los intereses y al nivel llingüísticu del alumnáu va facela'l profesoráu, d'alcuerdu col so criteriu.

¿CUÁNTOS LIBROS VA PODER SOLICITAR EL PROFESORÁU?

D'una vez, cada profesor/a va poder solicitar tantos llibros del mesmu títulu como númberu máximu d'ellos haya na ufierta. Si nun hai exemplares abondos pa tolos escolinos, habrá de pensar en compartir llibru pa cada dos alumnos/es.

¿CUÁNTU TIEMPU VOI PODER TENER N'EMPRÉSTAMU LOS LIBROS?

Dende que se fai la petición de títulos, van dexase n'empréstanu un mes y mediu, plazu que se podrá ampliar si se fai la petición quince díes primero de qu'acabe l'empréstanu.

¿CÓMO SOLICITAR LOS LIBROS N'EMPRÉSTAMU?

El profesoráu tien d'unviar un corréu electrónicu a linguastur@educastur.org axuntando l'**Anexu I**.



¿CÓMO SÉ QUE VA TOCAME DALGÚN TÍTULO PA TRABAYAR NEL AULA?

Nel momentu que se faiga la petición, nel plazu de dos díes va unviase respuesta de si hai posibilidaes d'atender la petición.

ENTREGA Y DEVOLUCIÓN D'EXEMPLARES

El Serviciu de Planificación Llingüística y Normalización va ponese en contactu col profesoráu solicitante p'alcordar cómo va recoyer y volver los exemplares.

ACTUALIZACIÓN DE LA LLISTA DE TÍTULOS PA EMPRESTAR

Al principiu de cada mes va espublizase nel portal d'Educastur y va unviase al traviés del corréu electrónicu l'actualización de la llista de llibros que se ufierten col númberu d'exemplares actualizáu.

ALCUENTRU LLECTOR, ¿QUÉ YE?

Nel mes de xunu ta prevista una puesta en comuña de toles xeres, proyectos y actividaes feches sobre caúna de les llectures escoyíes. Los escolinos van ser los protagonistas nuna xornada de convivencia onde van ser PONENTES. Van dir esplicando a escolinos de tolos requexos d'Asturies qué fixeron coles llectures, qué descubrieron nel procesu llector y qué foi lo más prestoso.



SOLICITÚ DE LLIBROS

Centru:	Códigu centru:
Señes:	C. P.
Teléfonu/Fax:	Email:
Profesor/a responsable:	
Email del profesor/a responsable:	
TÍTULOS SOLICITAOS (por orde de preferencia)	
1)	
2)	
3)	
4)	
(Sellu del centru)	

SERVICIU DE PLANIFICACIÓN LLINGÜÍSTICA Y NORMALIZACIÓN
CONSEYERÍA D'EDUCACIÓN Y CULTURA DEL PRINCIPÁU D'ASTURIES
C/ Eduardo Herrera, "Herrerita", e/n, 3.^{er} planta, 33006 Uviéu.

Tfno. 985 101915

splnormalizacion@asturias.org

lilinguastur@educastur.org